

東岳集
六

關西後錄
關西續錄
北竄錄
東遷錄

卷十二

^ 16
2432
6



和
2432
12-6



東岳先生集卷之十三



關西後錄

時中朝建監軍東來將留鎮我國

經畧東事廟堂薦先生為接伴使

擢以監軍被劾不至遂罷歸

癸亥二月十一日詣

關拜

辭蒙

賜豹

皮油菘雨籠扇子胡椒等物無任震竦激

切之至謹書以志奉示同行李典籍景子

方要共賦

鳳城金闕啓晨霞拜出宮庭迓海槎絳幘特宣
天語密紫泥初印御封斜愚衷未效微才展寵
賚偏蒙異數加感激鴻私圖報荅乾坤無際鬢

先華

簡佐即姪植汝固時在砥平山居余以從

事官 啓請蒙允

與君行止各雲浮使儂誰言忝晚收休恠幕中
從內舉極知天下要先憂吟壇不獨資揮翰戰
壘應須佐運籌槎稿更宜俱繼武暫辭松桂督
行驂

龍泉館曉發口號

龍泉日落暫停輪却向鶴巖起犯晨野葛罨疇
多廢壟山麇眠菴少居民州閭捲似經兵地使

節徒為失路人蒿目念時身正遠寸心無路達
楓宸

馬上口占錄奉李從事子方求和

曾逐延陵府院君關河迎送 帝庭臣樓臺金
碧觴飛月錦繡烟花筆攬春白首尚叨門下士
青杉休愧幕中賓驅馳 王事偷閑地且共吟
哦躡後塵

坡州途中奉柬成洗馬文濬

西指雲山隔幾重道人聞說住溪東高齋欲訪
王程急立馬官橋愧此翁

渡臨津舟中作

上章曾額病纏躬未許歸田獎益隆
沔浦釣臺征鴈外
涖城官路戍旗中
微誠直欲清遼左
大義何須慫海東
擊楫津頭誓江水
暮年猶覺寸心雄

平山同樂亭憶亡友崔明府挺英望

誰鑿方塘起山亭
邑人爭說古侯名
六年絃誦風流遠
百里農桑賦役輕
華扁尚懸同樂字
穹碑空寄去思情
山陽酒侶餘霜鬢
萬點梅花一笛橫

登黃州廣遠樓奉寄洪鶴谷

載筆西行雪正深
共陪詞伯此登臨
錦筵玉學留連飲
銀燭花殘次茅吟
七幘佐餘君與我一
溪流自古猶今官
城重到空相憶
獨凭危闌淚濕襟

練光亭

城上層闌壓短陴
鈎簾獨坐夕陽遲
水軒雲閣仍相對
野店山村半已移
涖路莫言佳麗地
關民都似亂離時
腐儒本自憂平世
聽唱勞歌意益悲

行碧樓感舊

蘭舟曾榜此江濱
今上層樓瞰夕曛
彩棟拂霞紅縹緲
香烟籠渚碧氤氳
身如華表千年鶴
人作陽臺一段雲
官酒易醒征路迫
採菱新調不堪聞

登百祥樓

二十年前此地遊
西來東往八登樓
雪晴香岳千層玉
春晚清江一派油
野色連空雲捲曉
天光浸水月懸秋
丹旂重上頭
全白落日汀洲滿
月愁

夜宿百祥樓戲吟

曾到平壤亦共
光亭宿三日

曾過練光三日留
百祥還瞰暮江流
郵童不識滄洲趣
却笑春寒每上樓

鐵山途中

路逢流血苦吟呻
搖是遼陽避賊人
掩淚却思辰巳歲
殘生何計答皇仁

時避虜意民
滿兩路

登安州迎薰樓寄示佐郎姪汝固

時已過

順安方駐
平壤云

一行曾報出關期
候館無端十日遲
平壤名都羨接觀
安州古鎮杜城池
應知對景饒新什
自

笑壞人損病姿春晝正長賓榻靜急催飛鞚慰

羈離

一路山川十八州風炬無管自春秋殘生謾抱
崎嶇恨暇日仍成汗漫遊索句故徵司業和舉
杯須待阿咸酬吾門且合追先躅月滿新安古
館樓

李從事子方留在鐵州余先到新安久行
不至戲書以促子方曾於箕城亦後余行

故篇首云

鐵州太守李輔古景稷

錦繡山前緩緩驅鐵州城畔又踟躕知君骨肉

諸親在着處亭臺盡意娛
舊水踏青三日過
舊川看月二輪孤
同行不得同携酒
獨遣春愁與老夫

三月十五日朝見子方書來自郭山凌漢
山城繼聞佐即汝固姪行今日午當到州
境戲占一律却寄子方兼柬佐即以促之
時留新安館中

纔見書來凌漢城旋聞行到納清亭華譙下壓
滄溟豁彩檻前臨碧澗渟曠奧固應俱適意東
西其奈各分形平明起坐愁相待莫遣吟鞭更

少停

新安館席上戲贈延慰使李同知好士立
兩李從事汝固子方求和

塞城春滿共停驂暫上高樓興未堪柳線亂抽
新郭北蒲芽微逆古池南歌人皓齒名梅一坐
客青眸姓李三勝地不常宜縱眺山光如黛水
如藍右晴川江舟中韻

莫向關城作越吟危時齊荷國恩深沮江畫舸
浮春浪薩水雕闌倚晚岑翠杓清尊四青眼蒼
顏白髮一丹心北辰回首歸期渺且趁東風數

散襟

迎薰樓席上贈汝固子方兩從事

駟騎相隨出塞關共携長劍此登攀春光泱泱
川原外世事淒涼鼓角間 王室直思俱戮力
幙寮休歎暫低顏憑軒一洒傷時淚不得平戎
誓不還

題降仙樓用月沙李相公韻

紆骨山高火沸流東明仙馭杳千秋雕闌珠翠
雲間語彩舫笙歌月下遊秦帝童男何日返楚
王神女此生休碧桃花發重尋處依舊清都白

玉樓王辰後亂廢朝分駐本府好居此樓乙卯歲樓為火燬以掛燁除府使使之重建比

再用前韻示同行諸君

十二峯前第一流仙舟何似去年秋閑花細草
芳菲節脆管哀絃爛熳遊蓬島有期風不起楚
臺無夢雨初休煩君報道文章伯幙佐題詩又
此樓

降仙樓謹用栗谷先生韻奉贈崔御史
大容無示李汝固子方兩從事求和

閣認昇真觀集仙峽天花月舊山川臨江却笑

頭如雪一夢陽臺二十年

此日西行是地仙沮江朝渡暮晴川東來又上
蓬萊閣忘却華顛半百年

一日登樓一日仙世間蓬島是成川樽前更對
青雲士玉樹臨風正妙年

蕭灑風神間八仙一家詩法出晴川玄虛閣上
千鍾酒三月烟花癸亥年

誰把丹青畫散仙洞天星月浸平川玲瓏高閣
鷓鴣杓一老翁携二少年

早識青蓮老謫仙清詩不數謝臨川東明古館

留新譜正是坡公赤壁年

天下人豪天上仙空留詩句此山川後生嗟晚
還嗟早五百年纔四十年

降仙樓夜坐口占

高樓獨宿夜開窓坐瞰星河影蘸江渚鳥只應
多好思飛來飛去自雙雙

成川館戲贈老妓玉芙蓉

畫船曾艤紫芝峯何處瑤臺訪故蹤坐聽伽耶
琴一曲白頭惟有玉芙蓉

中和館述懷示子方從事

早歲投簪是素期揚鑿只欲濟艱危何圖齒豁
頭童日得觀天旋地轉時富貴可求非我願文
章無用有誰知東歸直向湖西去萬里滄波一
釣絲

題龍岡人金奉日詩帖為都元帥柳川韓

相公諡作用帖中韻

爾能家一札公乃筆三行不附青雲相誰知白

屋生永為榮耀地尤見孝思情滿軸諸君什戈

鋌陣更橫柳川先王父宰龍岡時公之先大夫

文秀文之子河瑞與公先大夫生同學睿得手札藏之甚謹及公以體察使從事

官一巡到龍岡河瑞尚存袖其手札來見公使
作韻以贈今殿公以奉都元帥來奉且又來上謂公
前韻以前韻因請諸君和之作尾云
一又帖故余亦步其韻書諸帖尾云

贈別中和小童金現日

唐岳官童送我歸落花城畔夕陽時依然一步
三回首老子情懷也可悲

齊安館待佐即汝固姪不至

黃州官柳綠勝苔郭外柁花錦作堆此地待君
君不到半竿斜日獨登臺

齊安東館兩株梨四月開花傍小池日午夢醒

人不見獨憑虛檻坐移晷

奉謝中和丁使君好士推送酒

驛路春殘客未歸梨花零落月明時唐山賴有
風流宰一洗黃岡萬事悲
花開浪岸雨初晴鶴唳黃城月正明前後青州
兩從事百年難報使君情

昔年同醉此黃州紅雨今來滿眼愁新句欲成

孤夢破半輪明月下西樓昔與三五友權汝章薛

此州作一場團樂今者來語甚從容贈以短律
識君正之日也夜夢相見語甚從容贈以短律
未成口占一絕以志之勝

疊用前韻奉謝賡畫使碧梧李相公時奪
和見示之作

青蓮曾願識荆州一語翻消萬古愁
牙帳日高戎務少落花風雨且登樓
黃岡回首是并州斑鬢重來事事愁
當日幙寮今幾在春風獨倚太虛樓

雨中述懷疊用前韻

曉來烟雨暗西州一望東都萬里愁
芳草繞城花事退思歸莫上最高樓

送李子方還京觀省

楊花撩亂錦溪湄匝月同行此別離
奔走始緣王事急滯留誰料旅程遲
平生俯仰曾無媿與世浮沉且勿疑
歸赴北堂晨省後須西休遣久相思

新安古館月輪團始把清樽共倚闌
今夜齊安却分手月輪纔見似新安

題江西舞鶴亭

問山何以鶴為名仙鶴當時舞此亭
鶴去亭空春自老石崖依舊碧崢嶸
麻鞋避賊衝炎過繡斧銜綸冒雪停
三十一年三到地腰金無賴鬢

霜明

戲題

十日曾無一日緣相思只是最相憐江西古館
陽春曲腸斷黃岡夢裡仙

江西館壁上敬次諸公韻

王室曾多難 三宮此路行若非蒙帝力安
得濟民生不獨君臣義真同父子情酬恩在授
鉞遠塞陣雲橫

賀畫 先朝使西關又此行青袍憶徒步白首
感平生激切還都疏辛勤報國情翠華曾駐池

空對暮山橫

賀畫使李公時歲壬辰扈
還都今來舊館

感舊題
壁故云

題永柔縣館用舊韻

一歲重遊地翻經二十年古亭人又到浮世事
堪憐身是秋蓬耳頭如野鶴然空餘舊題句邑
子尚流傳

聞游監軍被覈不來具由馳 啓趣裝束

歸口號一絕

桃紅未拆出明光旅食天涯麥半黃槎使不來
歸意促故山香火及端陽

東岳先生集卷之十三
十一
客中看盡百花飛千里西來未得歸今日驛程
回馬首夢魂先到舊漁磯

東岳先生集卷之十三 關西後錄終

東岳先生集卷之十四

關西續錄

癸亥十二月十八日以查文賚進及查官
迎慰使無差毛都督問安使詣關拜辭馳
赴關西是日宿崇禮門外

清晨拜關出南城西塞寒雲暗驛程賚進國書
槎上使起居天將島中營敢辭筋力供辛苦曾
乏毫毛補 聖明祖帳一杯驅馬去却忘衰鬢
雪千莖

十二月十九日宿高陽郡二十日憇坡州

東晉書卷之十一
次長湍府

沙峴之西蛇浦東一身如梗復如蓬歸驂不歇
春風後征旆翻催臘雪中髻對青山俱變白心
憑短劍自知雄鄙人不解君恩重共笑驅馳
獨此翁

十二月二十一日入開城府

駟騎長驅遂轉萍一年三過古王城行人旋佐
皇華幘賓使仍趨溪將營癸亥正同辛丑歲儀
曹今亞度支卿山川極目渾如眩只愧霜髭了
此生

十二月二十四日發松京憇金郊次平山

青石洞中遇雪口占

轔蟻微臣坐五窮盛時三命廁鷓鴣滄埃未效
朝廷上跋涉何辭道路中一歲又經青石洞千
官初入紫宸宮只應鄉里漁樵侶風雪漫天晒
乃公

十二月三十日晚發平壤昏到順安

長慶門前落日低法弘山下凍雲迷明朝五十
仍加四故里東南却轉西候角迷人愁似海勞
歌留客醉如泥天公不惜書生老每向關河逐

馬蹄

甲子元日

一點金釭照綺筵寒鷄三叫曙鐘傳風號食雪虐
平安路地闢天開甲子年北關臨朝周運啓南
山獻祝舜齡延手拈栢醕心翻倒於社歸耕舊
石田

途中元日感懷

去年今日宿黃岡今年向鳳陽風樹百年
今日淚每年為客轉霑裳
定州上元夜書懷

關河迢遞歲華道 王事驅人未得休上日忙
接肅川館元宵倦倚定城樓衰年對酒都無興
異地聞歌只自愁寄語秦中舊鄰里錦茵時復
念行輶

奉答郭山郡守閱汝令公書

凌漢山城宰循良揀摺紳秩加通政重威帶助
防新折簡邀諸彥開筵趁令辰佳期不可負晨
起促征輪

蛇浦阻風書示忘菴金正郎際孝仲兼贈
月潭尹右尹毅止中求和

續凍春初拆擗颺夜未休 王程三十里客日
八千秋士則中郎秀卿材少尹優坐成萍水會
天畔慰淹留
客程留待浦水消促喚舟人趁早潮颺母不知
王事急却教驚浪阻鳴橈

述懷書事敬呈毛都督幙下

征遼幙府大將軍一代威名萬國聞家世平原
門上客精忠諸葛表新文轟天鼓角迴寒日拂
地旌幢捲曉雲行掃犬羊巢穴盡玉墀恩詔冊
元勳

鯨濤擊楫誓澄清遼左封疆陷賊庭一劍獨當
天下計萬家都聚海中營遙知麟閣終圖像直
見燕山早勒銘東土君臣偏慕德坐令西塞樂
春耕

二百羸師泛大瀛招安四十萬邊氓深探虎穴
如飛渡直擣龍庭擬掃清蟒錦褒功新上將狼
烟息警古長城北宸此日寬東顧行聽春風奏
凱聲

一帆東下戮鯨鯢虜騎三年不敢西雲鳥陣分
新部曲羽毛書集舊烝黎元戎妙略傳黃石

聖主洪恩降紫泥松鶴山崩鴨水竭共看勲業
與天齊

控制遼陽鎮海灣光鋒不復近秦關高牙大纛
威容盛綬帶輕表氣宇閑金帛屢擎天上賜士
民俱納虜中還春來玉帳頻開宴列校歡呼動
黑山

遠銜 王命拜轅門鰲島開營虎旅屯白羽扇
揮胡草木青油幢擁漢乾坤征謀密勿曾襟靜
饗禮雍容笑語溫章句老儒增膽氣直思提劍
報 皇恩

留撥島用前韻奉贈月潭尹止中令公
絕域仍奔命明時未請休宅連三里閑年間二
春秋失路功名薄登朝德業優燕鴻中歲恨孤
島共遲留

留撥島待查事聞叛寇深入憤悶有作
十日平胡島三更總關心官軍相繼潰逆豎未
成擒旬服纏兵氣朝廷阻德音捧給端不得徒
此雪盈箬毛齊智改島
名為平胡

聞賊魁就島 車駕還都志喜
半夜行宮露布飛錦江春色翠華移千官扈

蹕仍戎服七校連營四羽儀靈雨不妨霑雉扇
霽雲還自繞龍旗詞臣手把如椽筆誰勒中興
第一碑

贈中和通引金現日用前年留別韻

駟騶西去又東歸正是清明二月時珍重唐山
舊府吏一回相別一回悲

戴星征騎隔年歸關路春風落日時多病未成
高枕卧此身堪笑亦堪悲

平山道中記事

關西直接海西拉到處逢人問賊兵鳳郡半燒

烟未散猪灘中断骨相撐元戎若不留長策小
醜何能入上京見說翠華南幸日諸公休詫樹
功名

奉贈開城沈直京經歷

白苒廣興吏青衫紅歷官平生礪清操何事滯
庫班春晚朴澗洞雪晴松岳巒公餘好幽討新
句動秦關

自關西歸李學士子時撤見訪不遇留詩
而去遂依韻奉謝

神京不日靜風埃依舊園林擁小臺遠客始歸

東岳先生集卷之十四
六
逢雨歌幽人相訪
枝花催閑中卯酌
仍先倒亂後春襟
未共閑麗藻却驚
留曲几直勝空掉
雪船回

玉樹臨風絕點埃
妙年文彩映蘭臺
山蹊掃雪吟情愜
塞館迎春旅夢催
鸞輅北歸戎馬定
鳳城西望杏花開
青銅錢在堪酤酒
一浣愁腸日九回

東岳先生集卷之十四 關西續錄終

東岳先生集卷之十五

北竄錄

獄中口占

甲子三月十二日丙寅繫獄二十七日
以遠竄 啓下初配全羅道海南縣自
上特命竄北邊二十八日壬午改配咸鏡
道鏡城府在獄中十有六日

一日兢魂抵十春園扉牢鎖坐經旬平生濟代
安民策盛世忘君負國身甘作地中無罪鬼恐
為天下不忠臣頑軀忍辱終誰愬只是微忱仰

聖神

滿城冠盖中興時木索嬰身與死期花萼未敷
聞已謝月華初穀者全虧常懷烈士忠臣志只
恃皇天后土知霹靂震人虹貫日世無能解巧

言詩

三月初七日西司俱發啓以鞠問依律
定罪是夕風雨暴作大雷電震入十二日

就獄翌日
白虹貫日

三月二十八日興仁門外馬上口號

石洲權汝章以宮柳絕句壬子逆獄被
鞠受刑謫赴慶源歿於東大門外路傍
村舍乃四月初七日也是日立夏先是

有人書其家板戶曰况是青春日將暮
桃花亂落如紅雨權君更畫一杯酒酒
不到柳聆墳上土勸字以權書之劉伶
字以柳聆書之汝章遇禍寔由廢妃兄
柳希發曾聞宮柳之句目之以詆斥國
母密奏廢主而媒孽之也汝章病卧其
戶之下及其臨絕庭有桃一樹殘花飛
落於衾枕之上亦一識也余與汝章前
後就鞠均陷不測之罪而或生或死幸
不幸有異今出東門又是桃花落時哭

則不可有隕如瀉聊占短句以自志
微臣罪大死猶宜竄逐避荒識盛時行過郭東
花落處故人詩骨至今悲

抱川途中遇迅雷驟雨而作

行經祝石嶺嘔歎三角高峯隔萬岑落日掛山
收返照奔雲垂野起層陰雷轟尚怕嚴威盛雨
濕翻思罷渥深回首禁垣魂已斷塞城何處慰
孤忱祝石嶺名

四月初五日戊子發抱川憇永平梁文驛

次鐵原豐田驛

病軀行怯駟程遙
瞶入虛亭坐徹宵
曾到永安窮塞壘
正逢昭敬大王朝
轅門佐畫弓
懸臂郡閣承顏印
繫腰二十一年成
一夢白頭垂淚向青霄

四月初六日己丑午憇金化縣夕宿直木
驛初七日庚寅午憇金城縣夕宿昌道驛
路中口占

峽峯高擁澗流橫
朝旭微陰午却晴
花拆晚紅飛白蝶
樹凝新綠轉黃鸞
樵兒谷口歌相逐
鮓婦田頭笑自迎
遷客此時愁極目
獨騎羸馬出

關行

戲題昌道驛田家破窓

夕投山店乞炊薪翁笑着天婦怒嗔突冷忍飢
深夜坐始知温飽是閑人

四月初八日辛卯午憇新安驛夕次淮陽
府路中口占

行穿疊嶺渡回川峽路間關未息肩四喚倦僮
三始應十驅疲馬九仍顛田廬宿處房無壁野
竈炊物飯有烟日午更堪塵滿目舊病新疴正
相纏

戲贈新安驛吏李王福莫福兄弟

萬曆癸卯春余以端川郡守曾過是驛
今踰二十稔弊袍瘦馬行色蕭條商旅
相見莫不目笑唯李吏兩人迎拜路左
便呼曰端川舊使君云

塵沙滿面雪蒙頭逆旅擔夫笑弊裘獨有新安
老亭長馬前能認李端州

過鐵嶺神祠而作

夜宿銀溪店朝趨鐵嶺祠龍城出塞遠鳥道入
雲危北望那堪說南還未有期老臣憂國淚霑

洒日斜時

題鐵嶺院柱上

青衫紫綬寵光新
已亥秋風癸卯春
今日穆陵何處望
鐵關徒步泣孤臣

高山館

四宿高山館今經北一春
幕賓馳驛遠州守
道與親寥落平生事
遭回半死身
前溪流亦咽似識舊征人
萬曆己亥秋余以評事赴北道戎幕來宿是館明年庚子夏還宿于此
癸卯春以端川郡守奉太夫人而行來宿是館明年甲辰秋還宿于此自甲辰迄今天啓甲子二

南山院

六越重巒九渡溪
斜陽秣馬劍峯西
回頭漢口瞻歸路
嶺樹連雲驛店迷

安邊府作

四月初十日癸巳朝發高山館
午憇南山院
夕入安邊府
翌日甲午人馬俱困不得登道

縻官不得早抽身
忽見榮枯變
淡旬沮水彩舟常閣岸
鐵關危棧僅通人
疑笳疊鼓歸朝使
瘦馬羸僮去國臣
誰畫今年兩行色
一時持警走

風塵

次永興府

蓐食踰旬出戴星強扶羸疾自貪程黃塵眯眼
難開睫白日烘顏易變彩德府使君吹角過文
川太守遣童迎龍城此去何時到道路辛勤已
飽經

咸興府道中

百祥樓下水如苔畫角春風走傳回萬歲橋邊
沙似雪羸駝夏日出關來三旬未浹譽兼毀一
嶺繞遮樂轉哀早覺此身終是幻眼中人事只

堪哈

是年春余以查文資進使兼毛都督問安
使入鐵山搬鳥二月二十日回安州百
祥樓二十八日入京復命三月初五日王堂上
劄兩司繼發十二日下獄被鞠二十七日以遠
窠際下二十八日出就途咸鏡平
安兩道接界只隔一嶺故頸聯云

咸關嶺

千仞虬盤路停驂一望鄉青山天際黑白日霧
中黃秋月趨戎幕春風佩郡章當時亦慘憾况
此老投荒

題居山館壁上

千山送我去萬山迎我来日日一百里此去何
當回曉發青海府夕走時利城駟騎舊遊地今

作布衣行是身儻有罪珪組亦可羞是身果無
罪刀鋸非所憂據鞍自大叫仰視天茫茫誰令
覆盆下白日垂末光

磨雲嶺

余於繫獄之日嘗夢騎病馬率一小奚
行到磨雲嶺下峻途極險委蛇而上顛
頓輒旣進退有礙及至奏讞以遠竄判
下禁府入啓初擬湖南俄而有北邊改
配之 命今者行色了了如前日夢中
其亦胡澹庵夢裏分明見黎母者也北

關人常言富寧道中有兄弟巖故官北
路者後必重来或再或三余曾爲評事
端川今謫鏡府乃三行也人世事皆有
前定豈非天耶茲并志之以自唁云

半空懸磴出雲陲一逕中盤九折危龍角遠迎
軍佐日隼旗新赴郡衙時人間萬事皆前定嶺
外三行果後期跨蹇却思梁獄夢楚臣甘分復
何悲

贈端川諸生

曾分銅虎此絃歌北載光陰一擲核卷陌但看

新士女城池猶認舊山河非關盛代投魑魅自
顧孤生廢蓼莪追憶彩衣調膳日老奴相對淚
俱沲

里氓迎我似迎新僮田頭逐馬塵故吏共驚
成老叟諸儒偏恠作遷臣風烟草樹今如昨聚
散昇沉夢不真經歲了無遺愛事驛亭牛酒汗
漸身

四月二十日宿磨谷

甲辰仲秋三十四磨雲嶺下南還身甲子孟夏
五十四磨天嶺上北征人解印當時慕元亮懷

沙此日思靈圻何由更活北一載邑老重逢期
甲申

四月二十一日踰磨天嶺次吉州臨滇驛
滄海天東畔黃雲地北垠關山四大嶺鞍馬一
孤身遠謫無歸日殘生與死隣驛程芳草色空
似漢陽春

朝離端北谷夕渡吉南橋忽喜前途近不驚上
苑遙海雲靈曠野關嶺插層霄此去歸無日羈
魂且莫招

甲子四月二十五日到鏡城配所作七首

青油幕下故公謀海上今爲白首囚老吏尚存
看共喜諸生相訝說母憂南坊對浦魚鰕賤北
里連阡黍麥稠儼得草廬甘畢命百年人事一
浮漚

雒城南面立巖東白水橫流碧海通里號漁郎
臨浦淑身齊滄父寄茅蓬三緘口要從今始九
折肱甘到底窮他日欲知新占籍大明天啓四
薰風

女真甌脫古弓籠聚落蕭條磧路窮長白山頭
五月雪大瀛海口四方風狂雷不雨時轟野苦

霧如塵晝塞空土候自殊雲物惡只應天地界
華戎

水郎區域大荒中控制藩城古鎮雄早歲繫鞬
蓮幕佐聖朝韉鎖布衣翁青山是處非生客白
屋何人着寓公浮世本來如夢幻莫將身事問

皇穹

望一作盛

龍荒拓地接鴻蒙古寨入烟廣谷中日暗陰山
雲似墨天晴瀚海月如弓北扉免作折楊鬼南
畝甘從襍槁翁白髮戀君心一寸五更歸夢紫
宸宮

聖朝寬法省深文縲繼殘骸寄塞垣地接白頭
山古雪天遮朱雀闕春雲難傾北海瀦臣罪每
向南風拜國恩病卧只思為厲鬼直殲強虜報
明君

甲子之年月建辰章交臺閣國人嗔丙寅繫獄
流壬午丁亥登途稅戊申木訥未能名顧訥苦
辛應為歲逢辛衰骸令作幽荒土首夏留題當
獲麟辛未生
年故云

端午

雪嶺三韓北鯨溟萬國東神京隔日下令節屆

天中粽艾方言異釵蒲土俗同楚臣何處吊徒
此泣途窮

端午謹用曾王父容齋先生謫居錄中五

日韻

我祖文章伯 先朝社稷臣年仍周甲子月又
旅蕤賓放逐同良節登庸異老身蒲觴徒感愧
不敢語鄉人一作
諸人

誥書曾王父容齋先生謫居錄後

容祖忠州地燕君甲子年小孫遭盛代嚴譴謫
窮壤是歲天何忍吾家禍獨偏新詩要自遣非

敢擬遺編我祖容齋先生燕山朝甲子夏四月
甲子年故歲月誦忠州有誦居錄今我被謫又是
言以志之

五月二十五日判官許若虛宗來訪留

宿而去翌日雨中書此以寄

旅思相看未敢言送君歸後只消魂僑居此日
無窮事海雨漫天獨閉門

海雨漫天獨閉門楚臣何處可招魂空看二十
年前句萬事傷心不忍言

萬事傷心不忍言塞天零落兩殘魂遠來今雨
何由謝逐客無顏入府門

逐客無顏入府門故人何日慰離魂水中臺上
秋天月只待幽期不負言

夏日登水中臺

鑿出雲根壓鏡天高於厦屋大於船千山北去
蟠三府二水東來赴一川松轉晚陰低作蓋草
鋪新翠厚成氈世間車馬何曾到正見登攀絕
地仙

即事

長白山前渤海濱野無烟火路無人孤臣此地
頭成雪曾戴蟬冠侍紫宸

贈別朴璆秀才以鄉舉赴京城

天畔朝朝望日邊只應身沒是歸年君行秦地
人如問兩鬢今無一髮玄

用吏部在 植韻奉謝吉州邊明叔牧使

幾回流落感秋蓬紫綬關防 睿眷隆
龍榜貴孔鸞庭上豹韜雄
一千里路官曾屈
六十年身命始通見說邑人爭手額隣州均荷
濟民窮

朔庭霜雪滿飛蓬新國輕刑 霈澤隆
吊屈有文傷賈誼劇秦無序笑楊雄
古城防禦三囊到

天部郎官一札通却憶福州遷擢日 穆陵回

首哭途窮萬曆癸卯冬余守端川宜祖大正

以驟陸旋遠仍端乃古福州也

旅舍偶書

雪峯東畔海西垓韎鞞遺墟草樹連白日有光
常照面丹心無計庶通天夢魂尚自迷長路骸
骨應難返故阡坐愧圓墻忍一死萬家歌舞中
興年

地窮滇渤塞山橫墟里人烟傍古城春日一從
揚甸出夏天三見桂輪盈心懸北闕懷 明主

夢斷南鄉憶老兄已覺旅中愁到骨秋來那得
保殘生

廬舍踈蕪沒野蒿夏天雲物冷蕭騷西山有雪
常埋隴北海無風自起濤魍魎黃昏跳曲渚鴉
鷗白晝嘯平臯羈心一日逾三月不待流年改
鬢毛

六月初一日癸未

自到白山下閉門朝復晡身為老僮父地是古
匈奴家只一兄在信仍三月無鄉心恐觸撥不
敢見歸途

流頭日謹用曾王父容齋先生謫居錄韻

六月十五日乃流頭俗節也我曾祖謫

居錄中有流頭日謝伯謙携酒見餉詩

曰今日流頭節寥寥獨閉門故人乘晚

雨白酒慰羈魂殷野農謳發中天官樂

喧何須問生理一醉任乾坤此乃弘治

甲子年也我外曾祖挹翠軒朴公以是

日遇禍故篇內云

甲子仍良節飄零此塞門一吟容祖句三酌挹
翁魂毒霧連天暗狂風觸海喧形骸今尚保且

為謝乾坤

六月二十日聞仲氏乃於本月初一日除授加平郡守

久昧身無恙新傳政有名前年罷旌善此日拜加平峽邑雖云薄君恩豈不榮弟今方慰意兄亦勿傷情

生日作

六月二十一日

父母劬勞日乾坤震蕩時百年臯子淚萬里楚臣悲隴草連窮磧關雲起古碑壽觴誰更舉孤坐憶吹篴

奉謝節度使李令公

亦送酒見問

白頭山下朔庭分連帥開營瀚海濱九邑士民都節制八方兵馬上將軍冰壺雅操嚴戎政玉帳神謀靖虜氛惟悴江潭故人弟篋醪偏荷襲餘醪

李節度屢以米酒魚等物見遺書以謝之兩月三書札孤村六酒壺長腰忽又至巨口與之俱飽作坡公健醒非楚客枯感嘆今日意無路報明珠

六月十六日李別監日新李監官日休李

生日成携鷄酒來二十一日李日新與其
弟座首日躋及日休又以酒來餉李君之
先公州人也公諱鵬壽曾爲扼川訓導萬
曆壬辰倭賊之亂糾合義兵戰死吉州朝
廷嘉之贈官司憲府監察復其戶役故篇
內云

李氏好兄弟四人如一身始聞言語澁終見性
情真群從宅連巷衆兒才絕倫殿中忠義士家
世冠鄉隣

丁日再還往一家三弟兄殺鷄蒸最軟釀黍漉

方清不獨供飢渴俱堪託死生放歌醒復醉誰
起故園情

六月二十九日片雲上人自端川來訪見
贈一絕用其韻以示

聖朝何事繫圓扉遠謫天涯久未歸兀坐對僧
揮面汗只言迂叟與時違
海上孤村畫掩扉夕陽林畔宿禽歸羈懷獨向
山僧話五十年来百計違
手携藜杖款荆扉春日南遊夏北歸聽說名山
八卜寺百年慙愧此心違

沔浦新齋竹擁扉
謫來關塞幾時歸
家兄別後無書信
夢裏連床覺便違

七月初一日癸丑

百指堆顏雪滿頭
蟬聲又報一年秋
漢陽城裏猶多感
况對胡山作楚囚

七月初二日甲寅

清宵何事泣秋風
欲說茫然意不窮
弟只一兄一弟兩鄉相憶
兩衰翁

奉謝許判官若虛惠米

一妾三僮五女奴
厨烟頻斷口難糊
耕田得穀

時全晚煮海求鹽計
亦迂殊俗敢希資
緩急故交方見變
榮枯賴君高義曾同病
月寄餘波慰
餓夫

戲書

布襪麻鞋一老翁
兩朝榮辱捻成空
田人不識官全奪
到處爭呼李令公

七月初三日雨中

半百無多病初三
又早秋野雲朝黯黯
山雨晚颼颼
職忝明庭士身為絕塞囚
西風千古恨第一海東頭

七月初四日里中諸人邀飲草山東臺
草臺登眺荷相迎要慰逢秋遠客情老少聯翩
十七子獻酬交錯百千觥高原廣陸東西迥大
海長川表裏正落日悲歌望鄉國酒酣終復涕
縱橫
座中無主亦無賓北陌東阡左右隣
李徐姜車馬姓祖孫兄弟舅甥親時平頗恠人情冷塞
遠徧憐里俗淳爛醉欲歸頻被肘便忘孤客寄
天垠

七月七日里中諸人邀飲大川上

七月七日漁郎里東隣西隣十六人盃中漉酒
趨佳節川上鋪筵邀遠賓縱談未省語音別促
饌且欣顏色真誰向天孫強乞巧醉眠忘却異
鄉身
絕域誰能慰旅情結歡仁里迭邀迎崔公宿德
鄉人敬徐叟高談座客驚姜正字家翁及婿孀
監官巷第無兄弟看兩廡文青眼白首終甘寄
此生

七月十五日里中諸人邀飲八景臺

臺主乃崔

訓導立也

七夕前川岸中元八景臺隣翁偏好事節日每
含盃洞豁丹崖劈沙堆碧澗回暝雲翻似墨羈
容自相哀

佛剎供盆日陰司校籍時且從田父飲誰作楚
臣悲霧斂薰葭葭岸風生函菑池晚來林月上凍
雨暗山陂

七月十七日李別監日新亭座首日躋李
監官日休李生日成四昆弟與崔座首姜
典籍李訓道天華車別監弘道李生苓萱
炎馬生文龍車生震輅邀飲大津之上

火雲如洗朔風回海岸新秋坐古臺晴浪蹴天
遙訝雪晚濤轟地忽驚雷漁兒釣引鼈宮動買
客帆衝蜃市開日落不知歸路遠滿汀鷗鷺共
徘徊

七月二十八日

愚忠慷慨老天知誰謂翻成貝錦詩正聽鷓鴣
遭桎梏仍看熠燿阻累愚太真洒泣登舟日安
石圍碁賭墅時試問新亭集豪士茂弘何似伯
仁悲

七月二十九日辛巳

杜陵身自許何愚雅志曾嫌子夏儒每讀詩書
凌屈宋欲回天地入唐虞畢郎晚歲空持蟹張
掾秋風正憶鱸時命即今成大謬鬼門關外泣
窮途

七月三十日壬午

倉卒嚴程未解悲天涯追憶淚常垂抱東川上
兄相訣安北山前姪又辭男子肯為兒女態老
夫非復少年時此身此恨終難忍却怕餘生得
死遲

相一作初仲氏追送余於抱

川在梓從余行至安道而去

八月初一日癸未

二氣流行四運周自分天地有清秋陰虫應候
尋常響老物隨時次第摯正憶唐宗虞舜日誰
懷宋玉屈原愁黃榆古塞觚稜遠半夜商飈白
盡頭

歸鴈

八月南征鴈西風萬里吹天長能識序地遠未
違時叫急應相警飛遲若有期戍樓當此日何
似謫臣悲

春日人俱北秋風鴈獨南避霜離朔野隨月過
湘潭接武真堪羨知時更可慙噫噫塞雲外羈

鬢白鬢鬢

八月初三日 至初六日 連夜輾轉不得安寢

山遶重關樹接天 郵程欲算意茫然 寒蛩泣露
依幽蔓 朔鴈號風度 暝烟暫到故廬 惟賴夢自
逢秋夜却妨眠 眼看骨肉平生面 一夕遲如過
十年

八月初六日 夜雨不止

颯颯騷騷階上雨 唧唧切切枕邊蛩 試教稷契
臯陶聽此夜 還能着睡濃

八月初七日 書懷

清晨獨立望湖鄉 却坐虛簷到夕陽 山勢擁關
雲甚黑 露華凝 磧草皆黃 地無北塞人 應樂天
有西風物自傷 此土不堪逢此節 更看歸鴈各
高翔

八月初九日

旅鬢莖莖白 秋林葉葉紅 可憐寒雨後 相對夕
陽中 衰朽無餘日 凋零只待風 不知誰暫住 棲
惻此時同

八月初十日

草虫號野葉吟風一種秋聲萬古中擊壤老人
曾聽此只應心緒異東翁余號東岳故云東翁以比南翁也

八月十二日

今日尚如此更於明日何野荒蛩亂叫天濶鴈
孤過鄉信斷方爰旅懷縈轉多高風吹木葉撼
撼早辭柯

見歸鴈有感

萬里南飛鴈何時過漢陽天涯一掬淚憑寄白
雲鄉

天末鄉書絕懷兄淚滿床那堪對秋月歸鴈各

成行

征鴈何時盡行行度夕陽天清好相叫一聽一
思鄉

榆關八月雪病卧一蓑床忍見南歸鴈高飛正
作行

八月十三日池監官與其子邀飲山園

誰掃高臺喚客遊池君父子最風流碧天如水
紅霞晚黃草無烟白露秋鸚鵡文章何處用謀
麟功業此生休雲壘共酌桑郎酒一洗清湘萬
古愁

元方豁達季方真自少魁然並出倫俠氣獨能
趨上急豪心終不顧家貧要荒莫說非鄉土叔
世誰知見古人遇我爭推道南宅周郎正似飲
醪醇

八月十四日朴座首送西瓜清酒等物

廣巖高卧大原翁遠向江潭問旅蹤瓜劈水晶

寒透齒酒拈雲液暖澆曾知君直北無雙士坐

我終南第五峯重惠似山那可揭正逢秋月獨

搘筇廣巖里名在府南一百十七里有大巖甚
廣座首之先忠州人忠州古號大原我家

在京城南山
第五峯之下

中秋月夜

殊方此夕旅情新步出晴原望漢津節序滔滔

隨逝水音書杳杳斷來人中秋月下雙歸鴈長

白山前一病身峽郡古齋風露重夜深應復說

天垠時仲氏方守加平郡
郡在峽中故未聯云

疾風吹海暝雲收野曠天長水暗流萬里陰山

對華髮一年明月照中秋誰憑素瑟清樽賞獨

向瓊樓玉宇愁沔曲故園諸弟姪只應同泛舊

漁舟

八月十六日

本無榮進意何有謫居憂月似廣津夜山如滄
澤秋形軀幸安健風物且清幽歲熟酒醪賤家
家邀我遊

兵使携酒來訪臨罷題贈歌妓

白紵新袍貯古函北來寒重未開絨殘年試着
終無日故贈歌人作舞衫

莫惟樽前贈素衿老翁寧有少時心秋空月滿
思歸夜一曲妍歌直萬金

鄉人持酒連日來餉醉中戲題

五日樽前醉人問萬事遺朝仍眠至暮我自問

為誰月色看非苦秋聲聽亦宜何由身謫地未
有酒醒時

八月十九日

百慮都緣有此身此身終作一杯塵如今便覺
身無用却笑從前百慮新

八月二十一日雨中李日新送酒見問

漠漠秋天雨悽悽故國心此時三甌酒奚啻萬
籩金遂作陶翁飲何如楚澤吟感深君莫笑吾
本少知音

陶淵明連雨獨酌詩曰故
老贈余酒乃言飲得仙

八月二十二日

八月二十二日曉北望千山萬山白家僮不解
邊雪早長說堆益少說辟

八月二十二日夕北望千山萬山紫老子却忘
身遠謫喜看新雪搜新句

八月二十四日

嶺石鏡天海岸深淒風日夜動喬林平蕪霜落
高空曉古戍雲生大麓陰月下不堪孤鴈叫雨
中誰遣亂蛩吟居人未解累臣事共恠逢秋雪
滿簪

次片雲師聞余歸鴈曲有感見示之韻以時

但言作歸鴈歌兩曲

關河迢遶月蒼茫夢斷秦城子夜長誰採秋風
歸鴈曲新聲翻入古伊涼

白頭羈思正茫茫更耐征鴻叫月長千里同來
不同去春風空作九秋涼

屋南山崖楓樹頗多朝夕對坐霜葉可愛
有懷余家園林而作

獨對南崖下丹楓葉滿條露濃初似染霜薄漸
如燒最愛翻晴日偏愁墜晚飈東園忽在眼歸
思坐迢迢

八月二十六日

昨夜清霜重楓林葉盡丹晴烟濃欲滴夕照淡
初乾遠訝花相映深憐錦作團終南山下宅此
日好誰看

八月二十八日庚戌吉州金座首景憲崔

座首命仁與李生克誠金生益謙載酒來

訪宰牛留飲至九月初二日癸丑乃去聊

題近體一首以謝其厚意云爾

戊午金君癸亥崔還携中戊李生來牛心大爵
周家炙竹葉深斟杜老盃誰向艱難情爛熳却

教憔悴醉醺感君相訪題時日八月初闌九
月回

秋天跋涉歷脩程牛酒留連慰客情舞態偏憐

長李逸歌聲剩喜小金清今人若共如君意老

子何曾作此行却憶山城院前醉烟花滿路忝

恩榮癸卯三月余以端川郡守差京堂奉試官
赴鏡城郡會而還也金崔兩君各携酒看

見候於吉州山城古
陪曾賦詩以贈故云

秋日登水中臺

誰斲嶢岳鎮森漫形如龜伏勢龍蟠秋崖迥對
金屏麗霽浦平臨玉鏡寒雪壓黑山天萬里雲

寒滄海日三竿長吟坐見乾坤意故秘仙區慰
謫官

九月初五日評事安君獻書致酒饌謝以

短句

令節重陽近殊方逐客哀獨披黃菊坐誰送白
衣來異饌盈二筍芳醞過百盃風流掌書記預
報共登臺

贈柳秀才于仍寄柳檢詳用謝安評事韻

絕塞孤臣老清秋萬壑哀相憐子厚在忽喜阿
戎來落日頻移席沉憂促舉盃那堪君去後獨

上望鄉臺

霜落天河迥孤鴻叫侶哀極知關路阻不見尺
書來戀主身千里傷時酒一盃龍庭今日事
說與舊憐臺

九月初六日

秋晚關山黯曉霜斷鴻飛度海天長翻驚九日
無三日慣認他鄉是故鄉北麓靜觀楓盡赤東
籬遙憶菊初黃去年沔上宗人集預插茱萸共
舉觴

九月初七日

旅寓秋深獨閉關，強扶藜杖上孱顏。平坡樹暗人烟冷，古壘霜清野草殷。地闊黃雲生北海，天高白日落西山。寒風忽起郊墟外，烏雀牛羊各自還。

九月九日

七夕中元幾斷腸，中秋纔過又重陽。從今却恐逢佳節，佳節天涯倍憶鄉。

中秋對月盈襟淚，九日登山滿眼愁。兄與弟今身已老，幾年佳節也同遊。

登高

地平雲海渺無津，雪嶺天清霽景新。已覺旅身翰老境，誰言秋日屬佳辰。登臨不獨山河異，笑語俱非骨肉親。強插黃花成一醉，晚風吹落白綸巾。

九月九日崔座首邀上城山徐座首李訓

導華天李別監敬李監官休日崔先達澤池秀

才海朝同會宴飲

九日羈紲坐獨哦，晚隨崔老陟層阿。酒漿瀉榼田隣近，魚蟹登盤海品多。池秀才癯歌跌宕，徐夫子健舞婆娑。柴桑獨酌今誰羨，且把金英笑

汨羅

菊花時節強登臯正憶都人魏棗鮓天礙塞關
雲樹密地連夷落雪峯高放歌只被羈情苦起
舞非緣酒興豪斜日一聲離鴈過兩行衣袂濕
寒袍

比舍能傾產良辰輒奉觴幾曾臨北澗今復上
南岡舞影初凌亂歌音故激揚悲愁難自遣不
敢戒猖狂

奉謝李節度使送酒

秋深關塞日淒涼獨卧荒村益自傷天際雪山

千嶂白月中霜菊一枝黃無錢正似陶彭澤有
酒誰同顧建康幸賴漢家飛將在楚臣身世醉
為鄉

九月十六日

朔方寒早暖全遲風日常多栗烈時七月之中
山戴雪重陽以後水含澌百虫早蟄俱無響萬
木齊凋但有枝誰念弊袍南土客旅鴻歸盡此
羈危一作含一

片雲上人以金剛山木瓢見遺工製表頗妙
可受三合留作飲器戲占絕句以志之

楓岳山入木作瓢幾年雲火鎮垂腰鬼方此日
持相贈留酌松醪伴寂寥

木瓢真率勝金卮直與龍荒逐客宜凍雪壓簷
孤月上一回斟酒一懷師

李訓導天華家賞菊

北方誰解種黃花九邑西風只一家試看古來
能愛菊陶淵明後李天華

九月十九日李座首日躋送酒一壺即便

命酌醉中戲題時於李訓導天華處乞菊
花數株新種庭前

一間茅屋傍荒陂秋色蕭條萬事悲海闊天低
山斷處風高木落日斜時綠醞忽得東隣送黃
菊初從北舍移 聖代太平今有象逐臣閑坐
醉吟詩

醉中呼韻戲贈李生苓

東海爲春酒斟之北斗杓千秋丈夫恨可以一
時消

九月十九日姜秀才敏行惠酒二瓶翌日

姜典籍携酒來連日醉飲而作

秋來何處倍思家坐過重陽對菊花朔吹蕭蕭

號古木胡雲漠漠接平沙
鴈南飛忌邊霜苦人
北歸遲塞路餘今日荷君賢
父子醉歌忘却寄
天涯

九月二十日徐座首李訓導
邀飲海上崔座首姜典籍池
朝海李岑李蓉時亦來會
兩儀開闢問何年盤古空傳
萬八千元氣杳冥雲鞞海太
虛寥廓日騰天坐傾鸚鵡盃
中酒笑傲蓬萊島上仙回指
人冥炯一點九州分割禹
山川
扶桑之西若木東日月出沒
烟雲空人間擾擾

蝸角上天下茫茫鷄子中彭祖
顏回一朝菌伯夷盜跖雙秋
丘行看滄瀛作平地拍手大笑
臨長風

對菊花有感

北地無花草孤芳忽在茲
正如逢故友何以落荒
隋獨對黃金蕊誰傾白玉
危歲寒俱寂寞空自惜佳期

九月二十五日

鄉使何時到羈心特地勞
北辰雲變變西日木
滔滔磧暗黃蒿密峯寒
白雪高誰憐授衣節猶

着舊麻袍

九月三十日

今日秋風盡他鄉旅思增歸歎那可卜逝者忽
相承皓髮同郎署消中劇茂陵餘年本無幾况
乃踏玄冰作踐一

日暮陰風起寒雲暗塞垣蟄虫皆閉戶零葉各
歸根獨立荒山路難招故國魂素秋今忍過更
奈雪霜繁

忽見三秋過曾從四月來塞霜翻殺菽江雨政
肥梅已覺形容改還教節序催病身歸望絕今

夕起徘徊

十月初一日壬午

每月逢初吉羈身輒自驚念曾新到日添却遠
離情骨肉依何處朝廷隔此生况堪徂歲晏邊
雪擁柴荆

十月初二日

故土不須憶老兄安可忘塞雲朝慘淡關月夕
蒼茫夏夜孰言短冬暉今覺長音書絕已久忽
又變玉霜

十一月初五日

晨起若相待及昏如有匹寸心徒耿耿關路益
茫茫安得此宵短更堪明日長餘生口乞死死
或返吾鄉

書安評事草稿後

妙齡才調有如斯老我何能賚一辭試問古人
誰得似子安文體少陵詩

十月初九日許判官安評事在駕見訪別
後寄謝用判官韻

佐幕雙佳士投荒一老身
虛絃冷落羽涸轍慰
窮鱗醉唱聊相和狂言且勿嗔
不堪萍水會回

首似參辰

十月十一日雪中奉答李節度使書

自出秦城信不來朔風吹雪暗龍堆
篋衣盡破都無絮瓶粟頻空
只有埃顏狀每憑奴僕問夢
魂猶阻里閭迴故知窮達俱懷土
羈窶翻添老病催

十月十三日

出戶將何詣嗚居若避仇一朝仍一夕
三伏復三秋身已生無用心應死始休
小窓寒月滿只益坐吟嘯

十月十四日

寒曦西沒月東昇昨夜今朝寢復興漢地折關
滄海湧胡山圍磧黑雲凝羈蹶以夢爲鄉國塞
店惟愁是友朋默坐有時忘遠逐錯呼兒姪果
誰應

戲答許判官再用前韻見寄

奕世周張學承家稷契身小邦仍繫足 昭代
未攀鱗且見疲氓悅何妨猾吏嗔逐臣寒谷內
空待艷陽辰

奉酬安評事見和前韻

絕域三冬雪殘年百病身廬空惟立壁肘塚自
生鱗夜聽飢僮泣朝看老婢嗔容愁誰得認無
語坐窮辰

塞俗無相問羈懷只自哀何言窮谷裏忽報麗
詞來密雪銷金帳凝絲暖玉盃此時能見憶才
子舊蘭臺

十月十九日得奉月沙李尚書手札以詩

代意

曾呼周顛訴危衷石父誰憐在繼中絕塞雪山
窮髮北洪溟腸谷大荒東退之不負裴承相白

也難逢郭令公從此九泉堪瞑目一行書札在
高風

十月二十日大雪

平疇雪落與山齊野外人家失故蹊
卷僻何曾聞犬吠林寒不復見鴉栖
經秋袴弊頑僮恚盡日厨空小婢啼
老子此時無長物強尋詩句信
枯藜作恚一

奉謝吉州邊牧使十月初十日送牛脯乾

鱧魚二十四日又以米酒魚麩等物見遺

逐月書曾在彌旬信再通平生吉州牧高義古

人風大嚼空山下孤樹積雪中顧慙圻府日憂
患負微裘

滿川冰雪小村孤土銼無烟日已晡
王粒細春盈一斛金醅新潑過三觚
應知海錯微漁戶更見山珍課獵夫
羸卧似弓成飽暖僕意還共色
敷腴

十月二十九日庚戌

兀坐晨還暮初冬忽告終寒衣猶未到
旅食且誰供日月層峯外乾坤疊雪中
空懷出東郭春晚柳陰重

十一月朔一日辛亥見仲氏書

兩鄉存歿杳難知歲暮家童返亦遲路過二千
仍嶺險年垂六十各身衰死前詎有重逢地病
後徒思始別時每謂捧書差慰意半行纔讀淚
交頤

奉荅仲氏書

兄身猶健弟心平生或期逢勿愴情若也愴情
生豈保兄須忘弟弟忘兄

奉次金龍溪秋日月沙席上有懷見寄韻
北闕身幽日誰知出塞來一時人欲殺三面網

初開禍患非無望狂踈木不才全生天地德未
敢歎雲雷

朔雪連沙塞秦關阻玉墀那堪小至日始見季
秋詩翰墨忘年地壺觴去國時平生大宗伯亦
復念湘纍

附元韻

金止男

沙塞秋將盡雲山鴈不來文章應更老懷抱
向誰開 聖主知無罪廷臣惜有才蒼天儻
下燭冬月起春雷
秋風滿簾幙落葉下庭墀獨把沙翁酒因思

岳老詩如何言語大不貸 聖明時親舊知
多少誰人問楚纍

龍溪

十一月十二日壬戌是日冬至追憶去歲

詣 闕朝賀

地接胡沙遠天分隴雪平誰憐冬至日獨憶漢
陽城鳳曆頒元祀鵷班厠亞卿玉階曾拜祝佳
氣動霓旌

曉漏催籌數闌開玉珂曾趁早朝回陽升正見
陰初伏否袖偏知恭又來萬死一身投朔雪三
呼千歲動春霄少陵只作華州掾獨對寒山謾

自哀

至日早起崔座首李別監姜敏行金田龍
各送豆粥李別監又以菁根沉棗見遺姜
典籍晚携酒來訪病肺不能飲書以志之
塞鄉逢至日隣舍門羈臣凸奇菁藟重盈盆豆
粥新每慙淳朴俗偏悶老羸身肺病盃觴廢窮
愁更泥人

荅姪典翰 拙書

獨披蘆絮卧茅茨雨雪空山鳥雀飢忽遇一陽
生地底曾從三月謫天涯赤心未卜歸年近黃

髮猶嫵死日遲為報阿咸休更問苦寒能記佐
戎時

荅經斌書

春風出幽園朔雪對穹廬我欲忘鄉邑君何寄
簡書星霜常伏枕面目始分裾此後毋相憶殘
骸罪未除

吉州邊明叔使君以亾友石洲權汝章乞
酒絕句見示仍送酒一壺步其韻而報之
白鷗洲渚帶青蘋共占漁磯避俗塵天末地中
今日事雪峯回首石湖春

一汀紅蓼一汀蘋細柳千條颺麴塵天涯記得
醉吟地麻浦風烟秋復春

夢斷江南詠採蘋塞村風雪甌生塵殷勤一盃
雄城酒二月鶯花爛熳春

奉次吉州邊使君夢見權石洲寄示之韻
常恐吟魂未有知忽聞君夢意逾悲白頭遷客
成何事一死人間十載遲

萬事無言只自知屋樑明月幾添悲古城詞翰
招魂地却笑懷沙賦太遲
駐馬城東誰更知關河對酒益堪悲臨牋欲和

騷翁些暝雪漫天下筆遲

十二月初一日辛巳至初三日癸未大雪
廣漠風先三夕吹穹閭雲又四郊垂忽驚汗漫
不知處正恐續紛無歇時日月莫言分晝夜乾
坤纔見定尊卑揚州病叟天山下曉起沉吟坐
捋髭

贈端川校生李之遠

十二月初四日端川品官廉偃金誠沈
時澤沈滉金止忠沈煥沈徵廉友直廉
友聞金德容韓山海董珰沈沂金汝義

李重明廉尚義金述男韓山洛金汝訥
廉友善等遣李之遠來以八帶魚二尾
鱧魚四尾生雉七首大口魚三十五尾
燒酒三瓶白粳米二十斗大牛一頭見
遺受魚雉米酒等物而却其牛云

多荷捐鄉舊序生雪中來慰楚臣醒牧牛欲作
耕田計慙負當年辟上銘碑上一座右

奉次吉州邊明叔使君枉過留贈之韻

絕塞身將褐父齊不堪頭角向人低共君今夜
燈前話萬事秦中一夢迷

宿禽飛急斷雲齊獨立荆榛落日昏候角促人
征騎發雪埋關樹路全迷

鍾城金府使致遠士毅罷歸京城在訪寓居

書此贈別

隴坂千秋雪關河一月程天涯送客處歲暮戀
君情譴重歸何望愁深語不成羈魂逐在馬直
入華陽城

塞雪連天噴路長罷官休歎徑還鄉何如白首
黃雲外一望秦城淚萬行

重贈金鍾城士毅之行用吉州邊牧使韻

磨天大嶺與天齊馬足行臨鳥背低君向雪中
歸日下朔風吹面凍雲迷

十二月十二日雪後月夜朴瓌載酒來餉
十日大雪後萬山孤月中秀才此時至高義古
人同痛哭心何苦狂歌氣尚雄開缸百分酌一
洗旅愁空

十二月十六日夜卧無寐月中獨步
寂寞身全老蒼茫歲又陰天高南斗遠地闊北
溟深絕塞三更月孤臣一寸心歸期不可問獨
立淚盈襟

十二月二十三日得興陽慎明字天錫書

南齋三千里新苞寄滿筐香凝沙寒雪色映洞

庭霜衰俗心肝罄遐陬姓字揚平生楚客頌一

詠一情傷以抽子三枚見寄

十二月中再見青雲君沈叅判命書先送

大墨二笏後惠狀紙六十枚

曾荷藍田獨錢行世人皆欲殺長庚應憐西塞

燈前色只說南坊席上情迢遞絳州雙太守聯

翩楮國六先生仲翔天下無知己今附青雲死

亦榮

韎鞞風沙渤海湄冬官尺素問孤羈麥光遠出

南州地龍劑新頌北闕時昭世誰題吊屈賦窮

愁堪寫和陶詩古來貴賤知交態青玉難酬白

首期

鏡城雪中作

曾聞幽朔雪嫌頻遇雪如今興有新萬壑盡平

陵失谷千巖俱白夕田晨梅花開遍不毛地毳

幕洗空無垢人新句獨哦肩却聳直勝衣化禁

街塵

野獸停嗥鳥不飛凶飈撼壑凍雲癡高崖涵密

寒聲急大澤飄踈遠勢遲山與地平開玉宇海
無天淨接瑤池龍鍾始識皇穹意要着幽荒賦
雪詩

老屋寒多透弊衣隔窓踈雪撲簷飛朝聞野井
初填逕晚說山廬漸擁扉壓重正愁茅棟折埋
深誰護枳籬圍樵僮共識炊烟絕不敢生嗔且
忍饑

除夕

日落荒城不見人老癯扶起旅愁新白頭山斷
滄溟崇甲子冬回乙丑春千里夢魂三畝宅一

宵燈火二年身嘉平古廨如無恙定把屠蘇說

逐臣

二畝宅一
作三市路

除夜

原頭蝸室斷入蹤廣野連空雪作峯日暮先歸
車震輅夜深相對馬文龍山窮渤海吞沙漠斗
轉旃蒙背閑逢坐聽雲公歌擊節李家春酒餞
玄冬

乙丑元旦

乙丑三元日朝鮮一小臣春回天北極地盡海
東濱祝 聖丹心遠懷歸白髮新大明寰宇內

血泣此孤身

曉鷄初叫斗杓移獨坐蒲團似凍鷗風捲北溟
蒼地軸雪埋西嶺拄天維明時罪大無歸望異
域病深與死期遙想九重開法座百僚鰲拚退
朝遲

乙丑正月初一日庚戌崔座首姜典籍率

李日新日躋等諸人携酒來餉連日沉醉

戲吟短律

歲酒貧無釀隣人手各携元朝連穀日異味集
山插里俗終懃懇羈情益慘悽老身難自慰休

枉醉如泥

正月初十日姜秀才敏行携酒來用前韻

以謝之

旅寓人誰過君家酒又携不堪聞鵲噪空復到
鴉拙厚意將何報孤懷正自悽告歸山逕滑春
雪踏成泥

奉謝北渚金貧成以油煤墨三笏新曆日

四部見寄

共生辛未歲五十五逢春弱冠初投分窮途更
結姻由來青眼舊豈有白頭新四曆三香墨天

涯泣放臣

少小同庚託弟昆未為人祖髮絲繁尺書今日
遙相慶君外曾孫我甲孫

謹次月沙李尚書去歲除日見寄之韻

不敢尤人敢怨天從知死日是生年春來只益
歸心苦朝未能餐夜未眠

丹心無路許蒼天萬死投荒已一年欲和儀曹
夢歸賦自聞京信未成眠

雪峯山下海連天半百殘生又五年莫向新春
問安穩憶歸中夜坐無眠

磨雲嶺北是磨天南望秦關過幾年不獨傷心
歲除夜塞垣風雪本稀眠

吉州邊明叔牧使得典翰姪寄簡詩致書

見示仍次其韻却寄姪

北扉纔啓出東城遠謫龍荒骨尚驚臣罪似山
甘磔死 聖恩如海許全生赦書率土頒條教
囚籍經年貼姓名幸有道南賢姪在郵筒頻慰
未歸情

奉次鶴谷洪副學去歲臘月二十五日見

寄之韻

龍庭獨立望京時
洒涕新年鶴髮垂
地阻漢關分廣莫
民傳胡語習侏離
秦臺未許清光照
燕谷誰將暖律吹
今日綈袍故人意
知音不必說

鍾期

正月十五日

元朝至元夕日日
益傷情塞遠民風
異村貧節序輕無
人問楚客何地望
秦京向晚田翁鬧
占年待月生

正月二十九日家奴叔只自京回來見邸報而作

犬戎區落峒氓稀
魑魅為隣困纏微
謬計只思扶國策
狂言旋作陷身機
天高日月難回照
地遠雷霆尚振威
安得旅魂隨蜀魄
故山松柏趁春歸

豆滿江深截地流
磨天嶺峻鬱扣繆
海濤夜吼坤靈怒
岳稜朝凝日御愁
若使早為秦地鬼
豈如長作朔庭囚
頑軀却羨春空鴈
露往霜來共自由

歲星臨丑月移寅
大漠山河舊女真
揚惲語言誰辨
安虞翻骨體自嫵
屯臣忠子孝平生
事地

老天真未死身夢踏上東門外路柳條還似去年新
京國回頭待信音忽驚時序迭相侵蒼旻在上
空呼籲白日方中未照臨朽質敢期宣室召清
朝難作楚江沉陽春獨帶風霜苦坐愧桑榆負
此心

二月初一日

夾鍾中夜動葭灰新歲空驚暖律催海上春風
無地起山前臘雪與天堆羈囚已見災年過
息赦何由吉語來湖右故庄滄澤岸只應先拚

後園梅

即事

地是幽荒俗頗淳僑居不省作窮人二年春夏
秋冬日一里東西南北隣冰雪兩風俱見過蟹
魚獐雉各分珍最憐李氏諸昆弟餅粥還隨酒
醬新

書懷

憂喜曾知本聚門世情翻覆復誰論功名未立
應天運性命猶全是主恩萬事以詩消日月
一身於酒寄乾坤漢庭賈誼終堪笑謾托湘流

吊屈原

贈片雲上人

生於辛卯醉而孤端郡之氓病必芻一榻道峯
三夏滿九菴楓岳十霜踰山中別却觀空侶海
上來為逐臭夫塞叟異時傳恠事儒名佛對佛
名儒

偶題

古來才大起多僵魑魅鄉隣翰墨場賈誼猶踈
漢文帝屈原奚寵楚懷王子瞻莫道遷僭耳太
白曾看謫夜郎此日狼荒最堪笑姓名纔記老

龍驤

詩以龍驤衛副
設軍被罪故云

寒食

二月二十八日

病卧連旬不出門忽聞隣里祭丘原松楸隴
思楊邑雨露三年別沔村白帝孤城杜子美
人絕國柳宗元春天極目慙傭丐淚濕風花曉
日昏

二月二十八日評事安聖觀判官許若虛

携酒饌見訪評事用姪典翰寄吉州邊使
君韻留贈索和仍步其韻無示判官

清明時節古關城榆火無烟客自驚何意人間

許長史却携海上安期生紅袖筵中不識面青
衫幕下曾題名二十七年雙鬢雪一盃春酒一
傷情

三月三日

春陰如霧復如嵐日午天寒雪意酣逐客尚留
沙塞北歸鴻應過斗城南一身屈指五旬五萬
里搔頭三月三邊地無人作禊事獨携藤杖立
江潭

東岳先生集卷之十五

九覽錄終

東岳先生集卷之十六

東遷錄上

三月十五日

乙丑年量
移洪川

血泣追愁日陽春布澤時老身甘遠逐中土許
新移地闊山河異天晴草木宜征騾犯星發不
敢少躑踟

歸途題贈送行諸人

溪東相送到溪西盡日無言惜解携真宰定知
隣叟意却教春雨阻征蹄

春雲漠漠雨垂垂萬樹開花三月時莫恠出門

重握手老翁相見了無期

道中口占四首

北逾關嶺滯天涯何事南征轉自嗟聞說峽深
溪更惡 聖恩猶未許還家

夾路烟花淚濕巾 霈恩猶作謫居身山圍古
縣村墟迥更傍誰家覓王人

隴樹叅雲峽路長關東關北總他鄉去年花下
孤臣淚更向春風灑夕陽

塞外風霜過一秋春來却作峽中囚脩門重入
終無日驛路花開處處愁

奉次金叅判

尚贈別韻時謫吉州

絕塞關山外遷臣去住情語悲兒女泣形悴僕
夫驚嶺路春雲黑河堤古柳青何時禁城夜六
聽舊鐘聲

四嶺重關路三年獨客情鄉書稀甚怯塞俗久
猶驚隴樹秋先赤胡山夏半青應知相別後夢
斷子規聲

二月十九日次吉州

二十年前過吉城再逢三月花冥冥二十年後
吉城路三月又看芳草青太守叅卿尚坎壈老

東坡全集卷之十六
二
翁逐客何鈴蟬離筵獨有舊歌妓雲鬢如霜雙
游零

吉州路中
三月二日

鶯花依舊艷陽天策蹇還從此路旋罪積立山
甘北竄息覃雨露獲南遷犬戎古窟弓籠耳貊
國遺疆伐力川想得旅愁均兩地嶺西猶與漢
東連

朴生
繫自鏡城追至磨谷驛臨別題贈

憐君不忍別羈翁匹馬相追十日中今到驛亭
分手立亂山無數草連空

重贈朴生

挑花初發杏花飛逐客東征君北歸此後兩鄉
相憶處海山孤驛對斜暉

春草連天春日陰此行無處重相尋磨雲嶺下
北溟水與我離愁誰淺深

乙丑三月二十二日踰磨天嶺宿端川磨
谷驛二十三日宿郡內二十四日踰磨雲
嶺宿利城谷口驛時郡人金敏道等二十
四人來迎於磨天嶺下沈徵等二十六人
來餞於磨雲嶺上

磨天嶺下花正開二十四人迎我迴磨雲嶺上
花欲落二十六人從我來地似桐鄉心却愧身
為楚客世方猜誰將粉繪描成畫兩日花前一
百盃

三月二十九日朝發平浦館午憩洪原縣

夕次咸原驛是日春盡

亂峯高下遶平川路出官城轉海墘山館落花
輕拂地野橋芳草遠連天三春日盡咸關嶺萬
里人回乙丑年忽有子規啼暝樹遷臣猶阻舊
園廛

四月初五日文川途中

金吾曾押走龍沙却入咸關似到家暖日琵琶
廢院路香風躑躅滿林花鏡中老疾今顏狀鞭
末清和舊歲華免向白頭山下瘞綠鬃東望更
誰嗟

綠鬃洪川
縣古號也

踰鐵嶺

殘骸只擬葬陰山敢道東遷未賜環今日 聖
恩深似海逐臣生度鐵門關

赴洪川途中

北庭孤客徙東關今日春如去歲闌坐已眼窮

天際海行應足遍峽中山風霜縱變新鬚髮鐵
石猶存舊肺肝到此方知造物意後年花發擬
生還

鐵嶺院戲題

去年四月初九日曾發連城投朔庭今年四月
初九日却從朔庭回連城二州中間劇函谷一
洞表裡疑井陘岳廟有神應冷笑每年今日此
貪程

夕投淮陽府口占

花落黃昏月滿樓峽天依舊望鄉愁孤臣不及

前淶水直下昭陽入漢江

淮陽道中

淮陽一府山甚幽四月天氣涼於秋雲木森森
日晻晻石泉滴滴風颼颼縈岸初驚柳絮亂擁
蹊復喜梨花稠去歲來時亦如此化工應欲慰
羈愁

寄謝安邊洪景望使君

多謝安邊老使君霜蹄飛度鐵關雲死生貴賤
交情在南北東西別路分累月定應炊白飯連
宵非但醉紅裙長亭一步三回首嶺樹參天夕

照曠

溪回谷轉石交撐兩日繞行一日程為謝鶴山
賢太守羈身無恙過金城

金城道中述懷四首

南來錯喜近秦中忽到金城路轉東立馬夕陽
人不見亂峯何處縣川洪

路歧何事駐征駢行近秦城不得歸天意似憐
羈客淚却將微雨助沾衣

三涯苦憶故山樓移到中州意轉迷硤口一川
分甸路萬峯雲樹子規啼

北來經歲向東移却望青山限紫微我正欲歸
歸不得子規何忍更催歸

四月十二日次金城瑞雲驛見姪椿來近

曾送征鑣到鶴城瑞雲山驛又相迎明時竄逐
知吾罪遠路追隨見爾情性命尚存俱可慰形
容都改不須驚回頭却憶年前別天畔胡沙隔
死生

四月十八日任氏自加平郡來

握手忽如夢峽深關路長生才萬死後別已一
年強笑說身身健恐令兄意傷何由返舊籍畢

命共耕桑

奉簡柳安山稿

野廬新賃傍林皋一壑峯巒四面高
松磴晚霞紅靄靄石灘晴浪碧滔滔
羈臣不是三閭屈傲吏真如五柳陶
愁寂共宜成細酌隔溪還往莫辭勞

時公自安山罷官新歸

次韻贈襄陽趙府使持世

朔漠雲沙接大荒孤囚誰料沐仁滂
月明瀚海霜凋鬢日暮陰山雨斷腸
峽路止來連鴈影都門西望咀鵠行
相逢莫恠羈形變兩歲行裝一

藥囊

遠勞騶御慰投荒霜髮翻教雨淚滂
二十學中三昧酒一千里外九回腸
人情披劍驚明月世路摧車怯太行
却載長腰勸加飯客厨無復念空囊

奉答真實李明宰子靜並書

十日關東路三年嶺左書我仍愁鵬鳥君亦感
鰥魚向老交情重經春旅鬢踈無言送歸使清
淚自霑裾

寓舍述懷

東岳集卷之六
雲外千山復萬山一條官路隔長安杜鵑不識
羈人意每到前林叫夜闌作騰入
萬疊雲山一徑荒移來中域亦殊方羈心直與
南溪水日夜西流向漢陽

端午

白草連夷界青山遶貊鄉明時一逐客殊俗兩
端陽艾葉誰懸戶曾華未泛觴懷沙賦空在獨
詠望清湘

入峽千峯峻臨川一岸平竹筒逢楚節桃印隔
秦城國制 頒新筴鄉風拜故塋去年沙塞淚

深樾又露纓

五月五日謹次容齋先生集南遷錄中五
日書事韻

百年重五日一世一孤臣譴自先同歲才非後
有人羽山今朽拚鯨海舊窮鱗却羨南遷錄蒲
樽醉象賓羽一作花

次承旨姪植以端午 賜扇見寄韻

癡比王家叔身同屈子累端陽又逢節何日是
歸期逸韻資三復清風賴一麾羨君喉舌地朝
夕且論思

楚水千年恨三閭未遠遊我逢端午日徒憶古
揚州縱荷潮陽赦誰膺漢帝求賢郎分賜簞
感舊游還流

附原韻

新賜端陽扇題封問楚纍炎涼類節物夷
險夙心期內熱應全歇西塵且莫麾須看竹
上淚點點是相思

又對天中節何時巷北遊誤恩仍內省寬
法亦他州貝錦猶爭織丹砂尚可求牛頭一
泚水洗耳叩清流

再從姪植

遣懷二首

畿東二山四長亭一望都城兩日程羽嶺雲連
華岳細龍淵水入漢江平里中居吏迴仍往門
外行商送又迎到此益知羈繫苦殘年無路見
神京

羈棲不敢出荆扉獨坐茅簷對夕暉谷遠每憐
川迅逝山深徒羨鳥高飛南隣賈向都廛去北
里傭從縣邸歸朝暮慣聞京輦事一回回首一
沾衣

即事

宿雨朝初霽新曦出未高白雲看忽起青嶂坐
皆逃直度分遙壑平沉失近阜還疑居北塞海
閣疊飛濤

六月十一日昇日乃伯氏諱辰

伯氏云亡日孀親尚在堂當時言可忍追憶意
逾傷少長曰蝸室晨昏列鴈行孤生已無奈今
又竄殊鄉

伯氏云亡日方今少弟年語言纔失喜誓力未
全愆一宿翻成訣三生倘結緣顛連不即死徒
此淨如泉伯氏生於癸亥歿於丁巳年
五十五歲余亦五十五故云

柳秀才弼 崔秀才嘯 鄭秀才沅 持酒而來

六月霽霖過一旬蓬蒿逸屋甑生塵誰知長白
山前客却對昭陽江上人問字自慙揚子宅挈
壺應念葛天民坐頌三雅吟騷賦 聖世方知
萬物春

六月十三日

五月六月雨不絕千峯萬峯雲相連谷西路礙
谷東路陂下川通陂上川里母共驚沉古竈野
翁方懼壞新田幾時風伯掃陰翳紅旭曛曛昇
碧天

贈主翁朴叔堅

三月十五日癸亥午發鏡府辭池公四月十六日癸巳夕投洪縣依朴翁行中謾喜離玄塞到後翻悲隔紫宮湏浸慣曾臨渤溥峽巖今復對蒙龍

六月十五日謹次容齋先生集南遷錄中

流頭日韻

大漠連沙磧重岡擁峽門流頭更遇節抱膝獨銷魂已覺衰顏皺猶傳巧舌喧旅愁何處散東北共乾坤

贈乾達上八

老釋逢乾達初名說印熙南投小白住西指妙香歸法性終無染禪身本不羈囚山一帳望半百風心遠

杖錫風塵外名山是爾家毗盧峯五雪貝葉寺三花有夢皆丹壑無蹤不碧霞慚余晚相見湘澤髮全華

用前韻贈人

此六首北譏時所作而誤錄在此

誰料投身一府中十年前乍見文雄天官本是青雲士版部徒為白首翁詩案且懲蘇內翰醫

方須踵陸宣公只應後夜同無睡千里歸心徹
九穹

俯仰茫茫宇宙中男兒幾箇是豪雄駸駸莫道
容蘇季意茲徒聞誤馬翁生為此心依 聖主
死將何面見先公吾今齟舌終無怨作孽初非
自上穹

極目乾坤塊莽中高歌擊劍寸心雄生逢社稷
英明主謫作關河老病翁窮達只憑吾道直是
非何待後人公長風洒掃氛昏淨白日回光掛
碧穹

贈乾達上人

老釋達乾達初名說印熙南投小白住西指妙
香歸法性終無染禪身本不羈囚山一張望幸
百夙心違

杖錫風塵外名山是爾家毗盧峯五雪貝葉寺
三花有夢皆丹壑無蹤不碧霞慚余晚相見湘
澤鬢全華

次友人贈守初上人韻

吟袂初從洛水分獨歸林下伴孤雲狂花翳眼
難成字藥裏關心廢屬文千里鴈書所有見十

年仙話恨無聞遙知 聖主搜賢急莫賦閑居

卧海濱

次希安上人見寄韻

早歲移文愧北山白鷗滄海舊盟寒空門小友
孤松詠火日囚居拭淚看

六月十六日霖雨始霽至十八日連日晨

起雲景甚佳

日日晨興早朝朝霽景鮮霧深凝似雪霞薄散
如烟野潤連高樹峯陰度遠川天清山更綠新
旭照崖巔

日上層巖北雲生疊嶂南白仍蒸作霧青或簸
成嵐巖遠峯纔露埋深谷半含晚來天似洗山
影浸虛潭

六月三十日遣懷

不作南川水寧為北嶺雲雲飛華陽野水走廣
陵瀆逐客無歸望鳴蟬獨坐聞窮村一開戶七
十四朝曠

七月初一日丁未

北塞胡雲闊東川峽路幽荒村一夜雨故園兩
年秋不但馮唐老其如賈誼愁昌黎法曹日猶

自憶松楸

七月初二日

峽擁乾坤窄，蹊回草木幽。病身無起日，羈鬢又逢秋。北闕年年赦，南冠處處愁。分明半夜夢，空復遶長楸。

七月初三日

華門朝夕立，何處望楓宸。匝匝千崖路，伶俜一病身。誰云解網日，猶作向隅人。昨夜涼風至，霜毛更滿巾。

七月初四日

逸氣曾輕萬戶侯，誰知一跌困縲囚。窮冬積雪連胡地，盛夏蒸嵐擁峽州。霈澤徒聞雷雨作，冤氛未向斗牛收。方嗟素髮稀，踈久碧樹寒。蟬又報秋。

七月初五日

颯颯風生岸，淒淒露滴林。何堪夜蛩泣，又有曉蟬吟。鄉近歸期絕，身衰旅病侵。春來曾迸淚，况此屬秋陰。

七月初六日壬子聞仲氏罷郡還鄉

洪鄉亦殊土，所喜近嘉圻。豈謂身調到，忽聞兄

罷歸湖路又相阻 峽人誰可依 方知百年事一

一與心違 仲氏以嘉平郡守七月初一日回陽

七月十一日

謫居無處可安心 何況逢秋惻耳深 蟬響初疑
賈傅哭蛩聲還作 楚臣吟雨過 巷柳涼颼動 露
濕庭莎 曉月沉兩載 只嫌邊一死 不堪衰鬢憶
家林

贈義慧上人

鵝谷山中舊宿僧 風塵重見貌稜稜 青楓白芷
昭陽路會訪騷人 說妙乘

慧師以承旨姪詩來示索和步其韻以贈

才子題詩贈老僧 鳳池晴旭照觚稜 湘潭此日

添煩惱 慙愧禪門景上乘

西風吹送北歸僧 皆骨山高露石稜 坐恨羈身

似籠鳥 洞天回首興難乘

七月十五日遣懷

窮鄉無客叩柴關 獨卧藜床午睡閑 南澗遠連

銅雀渡 北崗高擁石花山 天清嶺路行雲過 日

暗沙村宿鳥還入峽 已知經幾月 一庭蟾影四

回彎

七月二十五日

洪川邑內有連峯驛

天下傷心地連峯古驛村邑無人可語林有虎
常蹲海遠魚蝦少山深雀鼠繁誰將遷客淚貌
出獻君門

憶沔陽鄉墅

沔陽城北海西頭古里昇仙小等幽漁子幾曾
爭曲岸荻花應復遶平洲鷓鴣影畔三更夢
醉聲中二載秋縱使宦遊猶願上峽峯如束老
羈囚

七月三十日

朝臨窓至暮夜遶僻通晨只是思丘墓何能慕
搢紳蜘蛛網虛室絡緯響荒隣一宿維揚路夷
猶已十旬

八月初一日丁丑

今朝又八月一歲坐將徂露草虫聲亂雲霄鳥
影孤何言移峽內不及滯天隅日望門前道行
人入上都

八月初三日

峽深涼氣早秋日少餘暉蔓草墜晨露叢林生
夕霏咄咄但書字寥寥常闔扉見客亦何語况

堪人到稀

戲荅驪州李尚中使君兄書

去歲一把扇清風吹至今今來二斗米益見老
兄心朔雪關河遠炎霜破嶂深羈身不復問衰
疾日相侵

溪上

臨溪何事淚垂雙溪水西流下漢江江上終南
山北麓小園空鎖蒼松窻

八月十二日

塞關新拆野桃紅碧柳山城今影重客自此遷

如昨日鄉仍西望又秋風奔川直瀉揚花渡複
嶺橫遮孔雀峯門外有程歸不得月斜庭畔咽
寒虫

八月十五日

今晨國俗拜先丘禮與開元熟食侔忽向松楸
一下淚未供蘋藻兩中秋黃沙際海戎庭闕白
屋依崗貊壤幽欲認客懷無遠近陰雲猶見滿
天浮

八月十七日遣懷

獨坐經秋半羸軀只有骸蒺藜縈壞道蜻蛚聒

空階樂善坊南屋界仙里北齋鄉園無遠邇日
夕入羈懷

九月初一日丙午

一百三十日閉門曾未開初隨梅雨到忽見蓼
風來蟄燕俱已去賓鴻今又回孤吟看歸路空
自此低徊

九月初二日雨

秋日已云短秋天何太高川雲忽陰曠峽雨復
蕭騷悴葉濕猶墜驚禽翻且號晚來勁風起浙
浙振荒臯

奉謝李監後峻汝一自原州別廬枉駕見
訪用韋蘇州寄全椒山中道士韻

月峯病居七花山老逐客蒼茫一逕雲犖确千
崖石送米當夏月載酒趁秋夕南川水東巖願
書此行迹

九月初六日

八月至九月山空天沈寥秋聲與秋氣無暮亦
無朝鴉鵲翻翻集梧楸撼凋羈居眺鄉路安
得不心焦

九月九日

秋深逐客轉無悰力疾窮簷坐下眷佳節又逢
重九日故山猶隔幾千峯寒雲擁峽迷歸鴈亂
葉堆階泣候蛩往歲塞翁邀藉野菊花枝映鬢
絲髩

謹次月沙李二相以 內賜朱砂安神丸

一劑寄惠絕句韻

玉汝即今分 御藥金吾當日保微身王公有
魄尤堪愧忍向幽明負伯仁
藥裏遙分 內賜新安神定要共安身畏途萬
死殘生在曾荷明公一念仁

附 原韻

朱砂二果安神劑白髮三秋抱病身却把刀

圭分 聖渥與君均被並生仁 月沙

次韻奉荅春川李處士 曹 櫟翁

幽居七十載閑誦五千言楚澤真堪愧無因訪
鹿門

託契何須面知心不在言神交二十字一水阻
衡門

奉次柳安山 補韻

萬壑風霜落木秋白頭相對一青眸誰憐掩淚

衡茅下不為身憂為國憂

獨扶筇杖立清秋客淚無端泣兩眸雲破半天

殘照外一行歸鴈起離憂

百病侵身髮已秋昏花今又著雙眸平生書劍

都無用畎畝空懷社稷憂

奉酬柳安山櫟叟用前韻見貽

愛君清骨氣橫秋坐覺金篦刮病眸蒼邑不知

溫飽味歸田常抱國家憂

曉風吹葉墮高秋起望寒山礙客眸家在漢中

何日到人間十事九堪憂

病卧思歸不耐秋雨聲傷耳月傷眸田村白酒

家家熟一酌無因散百憂

黃葉蕭蕭落素秋獨支頤坐不迴眸衰年一寸

心偏弱斯却思家萬段憂

奉簡沈叅判世命君時謫忠州

忠原何事屈元功共說危言出至忠從此一州

傳故蹟地名臣節兩相同

我家曾祖號容翁早謫忠原後作公 聖代莫

嫌投此地期君終與我家同

去歲揚州送此身誰知今作藥城人未因相訪

空相憶兩地秋風一逐臣

九月二十一日雨

老木鳴階雨打簷獨凭寒几
捩踈髯三年藥石身痾重
萬里風霜國譴嚴曾滯北庭
鄉夢絕及移東峽旅愁添
籬前直接都中路覆鼎層峯
入眼尖

九月二十二日連雨不止

草木秋搖落山川日寂寥
高風吹徹夜冷雨滴連朝
身困顏先皺年衰髮盡凋
新愁著無處此夕只魂消

九月二十四日夕雨至二十五日晚霽

古柳凋深巷寒莎擁小庭
如何風烈烈又復雨泠泠
倦鵲飛相引驚鴻叫不停
逢秋今已慣此日未曾經

南宮汝用

楷

秀才以川魚盆菊雨中見遺

異鄉誰肯款柴荆
寒雨連宵復徹明
幸識南宮隱君子
偏憐東岳病先生
盤中赤玉鱗三尾
盆上黃金藥一莖
却笑人情不知足
哦詩還憶倒深觥

奉次柳安山送菊花韻

疎梧索索隨荒籬坐過重陽月又虧寒葉忽從
新句到滿山風雨慰相思

九月二十五日柳安山送黃菊一盆

秋滿空山內無由見菊花誰言陶令使忽到楚
臣家弱幹侵霜氣繁英濕露華直思同泛酒瓶
罄未能賒

對菊花有感

異方今幾載忽復對黃花露葉翻寒日霜葩映
晚霞道峯山下宅滄澤里中家小塢栽培地面
頭嶺路賒

九月二十七日

故國歸何日秋空斷鴈斜白頭孤客淚今又濕
黃花

九月三十日

野曠寒風振山昏夕照移何堪望鄉處又值送
秋時身已生無樂心猶老不悲所嗟流景促烝
衲限囚羈

九月三十日從姪斌自沔鄉載酒饌來餉
親戚離貧賤人情共古今窮秋置清醪匹馬度
重岑至竟收吾骨從前見汝心竹林遊似夢衰

淚忽霑襟

春草揚州路秋風羽嶺山共知為死別誰道獲
生還朋酒攀追遠長年跋涉艱對君心自省駢
汗滿羈顏

獨坐憐黃菊誰知醉白醪能忘霜雪苦不憚道
途勞俎上茅容肉盤中畢卓螯還如在沔曲衰
蕭興猶豪

十月初一日丙子

峽月曾看六下弦一簷冬日坐如年客稀每引
僮為友鄉遠惟憑馬作田莫恠朝餐常未飽偏

愁夜卧獨無眠頑軀直欲填丘壑不忍他方歲
又遷

奉謝南宮老秀才送酒二瓶鹿舌鹿尾膏

雉鱠魚銀口魚等物

秋盡窮廬獨閉門皺眉端坐度朝昏誰家綠酒
貽雙盞曩日黃花乞一盆鄉味更看蕪海錯客
厨方歎乏蔬殮荷君同歲勤相煦明月終難報
盛恩

奉贈柳安山

我生何恨晚夫子與同時孝友今初見清高衆

莫知曾於兩邑罷不以一錢隨誰念衡茅下年
豐尚抱飢

次韻奉呈櫟翁李處士

清廟朱絃動豐城紫氣收誰知在櫟壽獨作楚
蘭幽賤子才何用明時禍自求舟崖空悵望不
得駕青牛

聞子山居樂身窮道不窮朱門多赤族畢竟孰
為通

布襖青藜杖松扉白石庵無由乘興去日暮立

湘潭

未聞操白雪惟見毀黃鍾顛顛今何問真如澤
畔容

疊用牛字韻奉東櫟翁

碧溪晴月上丹壑凍雲收姓李身仍老名蘭谷
轉幽側聞貧士作宜向古人求寶劍誰能斲徒
勞望斗牛

櫟翁隱居于春川府北古蘭谷故茅四句云

答友人

人去無書似不情強題新句字敬傾別來筋力
君休問一枕寒山百疾嬰

十月三十日乙巳

甕牖晨光暗又明幾時長樂聽鐘聲每逢月末
心如失便到宵中睡不成餓雀相號荒野闐枯
蓬自振朔風擗却驚旅病添今夕異地重催歲
律更

十一月初三日

乙丑冬當仲初三日戊申衝風裂厚地積雪與
高旻婢爨肩逾聳僮樵手並斂我言今勿歎猶
勝鏡城春

簡鏡城漁郎里中諸人

首夏投荒至暮春兩年三百十宵晨諸君若不

傾高義獨客將何庇老身日日剩蒙魚菜美家
家爭致酒漿新南來却望并州處愧乏鮫珠謝
主人

冬至

清和遷客屆玄英律轉黃鍾又可驚地理遠分
三角聳天心新啓一陽崩南中廟宇趨宗族西
內宮庭拜 聖明獨擁藥爐頭已禿虞翻身世
作劉楨

葭灰初動曉鐘傳故憶朝簪捧 御筵赤豆羹
時襍疫鬼黃雲書屢驗豐年扶藜雪後心工部

抱膝燈前影樂天一出春城兩至日新陽無賴
宿病纏

十一月二十四日陰翌朝雪霽獨坐口占
凍靄冥濛欲雪時雪晴林麓玉參差平原商店
孤烟直亂嶂無雲薄日散老大獨眠依壞礎飢
鴉相叫聚疎籬一冬清景誰能會都入幽人七
字詩

十二月初二日丙子大雪至戊寅始晴
默坐看人事天工用意深應知連日雪要試逐
臣心腹飽非無飯身寒且有衾孱生如此足不

必較榮沉

十二月初五日

獨立千峯雪真如一野僧山空飛鳥絕川暝宿
雲凝事已悲無奈身唯死未曾此生歸路隔冬
日自晨興

奉謝真寶李明宰子靜書時致鷄雉
茶食等物

迢遞真安縣關雲出峽深中間通一徑南北隔
千岑翰札平生面風霜遠別心使歸君莫問吾
已白盈簪

季冬三日雪孤店萬山雲剝啄驚童僕零丁荷

使君念衰分異味傷別索新文坐認官程近高
情迥出群

世情窮始見交態老方知使又嚴冬到音曾盛
夏貽 聖朝為棄物先業絕歸期此後休勞問
年衰骨力羸

北風號曠野南雪壓層岑遠道傳雙鯉窮廬獲
十禽病從秋後重愁向臘前深莫恠勤相謝朋
親斷信音

十二月十四日大雪新霽月夜獨坐口占
三五七言

山雪晴山月生月下雪逾白雪中月轉明松簷
獨坐無一事人與雪月成三清

十二月十五日雪後早朝柳安山送酒
永夜風掀屋清晨雪擁堦病嫌衾似鐵食怯甕
生埃未見厨烟起空聞井逕埋此時驚啄木陶
令送餘盃

十二月十七日奉簡柳安山

日晚眠初覺天晴雪正堆四隣千嶂玉一岸萬
株梅麥麵方飛屑松醪且潑醅山陰好乘興莫
作到門迴

戲簡柳安山

昨夜雪中飲三人無俗情卯時一盃酒六散解
餘醒

蔡秀才

後鄭携酒見訪君乃鄭古王外孫古

古玉先生老鶴姿風流德義是吾師性豪本嗜
稽康酒才大偏工謝眺詩羈旅忽達成宅補典

刑方認稱家兒存亡三十年前事坐檢遺題喜

更悲

古玉手題詩數篇在於余家
草稿之中是日出示故云

雪晴山逕夕陽微野店無烟早掩扉地僻已知
人迹遠天寒更見鳥飛稀身為楚客空催老家

在秦城正憶歸此日佗啗三昧酒一團和氣破

陰機

君為鄭老後我作楚累身積雪三瓢酒荒山一

室春夙心看皎潔先什誦清新剡曲回舟夜何

如此趣真

見新曆

獨卧空山與死期誰將新曆報天時明年六月

今知閨添却羈身卅日飢

奉謝鄭舍人德餘李正郎子方寄惠新曆

謹遂身何托癡頑世所捐心腸一知己氣槩兩

忘年每見星霜變偏蒙曆日傳白頭無路謝冥
報指黃泉
痿人尚念起逐客敢忘歸磧遠風沙盛山深鳥
獸稀又看新歲曆空憶舊朝衣一死今雖緩窮
途萬事非

附次韻

直道難推挽高才易棄捐清朝遭一譴殊俗
過三年忽得長沙信遙從絕峽傳何時銷紫
氣豐獄掘龍泉
偶竊西清直三春尚未歸每逢新節至長憶

舊遊稀紫陌誰方駕滄江可振衣行藏三十

九衛瑗已知非

玄谷鄭德餘

奉荅金二相北渚書

荒村誰肯問羈孤伏枕經冬病未蘇又見曆書
關外至從知藥物峽中無蠻珍不但驚庖婢
御果真堪詫野夫莫訝殷勤謝深眷死生交態
古采殊時以新曆三部清金降火湯十
服大全鯁柚子石榴等物見遺

敬次五峯相公韻贈萬益上人

益乃龍門山人也性豪好飲飲常用大
椀容一壺每傾一大椀必稱灑落人呼

為灑落禪師五峯相公詩以叙之余在
京城未嘗面師遠竄鏡府新移洪縣師
篋公詩來示余索和幽窮因躡之中亦
一奇事也盛意不敢拒謹步其韻以贈
之茅僑居僻立甕盎生塵使灑落禪子
落莫而歸良可慨然故篇末云

去歲竄身大荒北鵬鳥群飛座隅止今來東峽
寄蘧屋白日爭傳虎在市深居默默若避仇對
食不知辛鹹味高春剝喙忽驚夢言是龍門老
禪子披牋跪讀峯老詩覷破真空託麴蘖初名

萬益一無益晚來一日大槐傾三百每一傾時
云灑落曾中滯碍如水釋世人仍號灑落師何
似騷翁憔悴獨處廓聞人足音尚可喜况接高
僧真面目瓶空却使拂衣去坐歎囚山生理拙

十二月三十日甲辰

怵怵惶惶重悽悽月與年窮日已西頂禿曾無
毛稍白形枯只益面全黎縱居舊業那開口况
作孤囚正噬臍沽酒強斟成醉睡不堪今夜坐
聞鷄

東岳先生集卷之十六 東遷錄上終

